



UNIVERSITÄTS-
BIBLIOTHEK
PADERBORN

Universitätsbibliothek Paderborn

Johannis Strauchi[i] Jcti Amoenitatum Juris Canonici Semestria duo

Johannis Strauchi[i] Jcti Amoenitatum Juris Canonici Semestre alterum -
Cum Indicibus

Strauch, Johann

Jenae, 1674

Cap. XVII. Ad cap. 3. & 4. de pactis.

urn:nbn:de:hbz:466:1-10241

disciplinam. Universi dixerunt: Pax servetur, pacta custodiantur. Ex his constat hypothesis capituli nostri, & corrigi illud inde debet.

In capitulo 2. ad inscriptionem; *Gregorius*, addatur: *Pro. Cap. 2. jecto illustri, ex lib. 7. epist. 60. Registri Gregorii.* Epistola, quam Gregoriani cur omiserint, non liquet, ita habet ex editione Parisinâ Joh. Parvi, *Anni 1518. Quoties in conventionibus quibusdam noster expectatur assensus, ne in dubium veniant, qua geruntur, rati, ea pro securitate partium debet habitio solidare* (In registro mendosè: *Ratio ea (sive eas) pro securitate partium debet habita solidare.*) *Proinde cognoscentes, quid inter dilectionem tuam & Fantinum defensor em, ac Rectorem patrimonii (partium, omittitur tamen in editione Venetâ anni 1504.) Panormitarum convenerit de portionibus (mendosè, proportionibus, in Veneto) tibi competentibus, in Masalenas & samanteria, in provinciâ Siciliâ (Siciliæ. Venetus) & in territorio Panormitano, & domo in Panormitana civitate sitâ, quam Ecclesie nostræ dudum titulo donationis obtuleras, nostrum in his accomodamus assensum, atq; omnia sicut inter vos gesta sunt per hujus rationis (lege, rati habitationis) paginam confirmamus, nec quidquam eorum à nobis successoribusq; nostris deduci in irritum profitemur, quia valde est moderationi conveniens, ut quæq; ordinata fuerint & decisa nullâ in posterum debeant refragatione turbari.*

CAP. XVII.

Ad cap. 3. & 4. de pactis.

SUMMARI A.

- | | |
|--|------------------------------|
| 1. Inscriptio emendatur. | 3. Capit. IV. cui dirigitur. |
| 2. De his qui ad Ecclesias confugiunt. | 4. Decretalis integra. |

INscriptio apud Raymundum est: *Idem Januario Episcopo Calimitano. Rectè, ut in registro. Compilatio prima: P.E. Johanni à partibus Sar. Contius & A. Augustinus addunt omiſſa, ut & Gregoriani.* *Inscriptio emendatur.*

In fine epistolæ agitur de his, qui ad Ecclesias confugiunt, *De his qui*

M

quo

ad Ecclesias confugiunt. quo pacto ex conventionem exire debeant & actus sui rationem reddere, & nullam vim pati, quod sacramento praestito eis promittendum, & defensor Ecclesiae ejus curet, ut ea, quae illis promissa fuerint serventur.

Cap. IV. cui dirigitur.

Capitulum IV. dirigitur ab Alexandro III. Exoniensi & Wigornienti Episcopis. Exonia, *Excester* urbs Episcopalis Angliae sub Archiepiscopo Cantuariensi. Vide Johannem Malmesburiensem lib. 2. de gestis Pontificum Anglorum. Sub eodem Metropolitano est & Wigornientis Episcopus, Wigornia, *Worchester* inter Varvicum ad ortum & Herefordiam ad occidentem 30. ferme millia passuum ad Sabrinam fluvium. Celebris est infelici

Decretalis integra.

pugnâ Scotorum adversus Anglos, anno 1652. Integra decretalis sic habet: *Cum pridem Simon Clericus procurator Prioris & Monachorum de Acra & Petrus clericus pro causâ, quâ inter eos monachos & praedictum P. ac fratrem ejus, pro cujus parte vicem se dicebat gerere super Ecclesia de S. (Sintonia) & capella de L. (Lintonia) vertebatur, ad nostram praesentiam pariter accessissent, ita interim, inter se, non tamen nobis mediantibus, convenerunt, quod praedictus Procurator Prioris & Monachorum eidem P. pro expensis, quas fecerat, tres marcas argenti persolveret, & idem P. liti cederet & à Monachorum infestatione penitus cessaret. Cumque compositionem ipsam ad nostram pertulissent audientiam, eamque confirmari auctoritate apost. supplicarent, nos eam non duximus admittendam, pro eâ, quod videbatur pravam speciem illicitae pactionis continere. Monuimus autem praedictum P. ut ipse tam pro se quam fratre suo monachos in pace dimitteret & eidem liti omninò renunciatet. Et caetera.*

CAP. XVIII.

Ad capit. i. x. de Transact.

S U M M A R I A.

- | | |
|---------------------------------------|----------------------------|
| i. Capitulum I. non est Gregorii III. | 3. Casus capituli. |
| 2. Epistola à paribus. | 4. Capit. IV. |
| | 5. Staffordia urbs Anglia. |

6. Cap.